



35003784



EXAMINATIONS COUNCIL OF ZAMBIA



Examination for School Certificate Ordinary Level

Icibemba

3153/2

Ipeepala Iya Cibili

Wednesday

17 NOVEMBER 2021

Fimbi ifyakubomfya:

Buukuleti wa maasuko

Inshita: Insa Shibili

Amatoni: 100

Ifipoope ku Baleelemba Amashindano

- 1** Lemba inambala ya cifulo uleelembelapo elyo ne nambala yoobe mu mipokapoka ili muli buukuleti wakulembamo amaasuko.
- 2** Ili ipeepala likwete ifipande **fine (4)**. Waasuke amepusho yonse muli cila cipande.
- 3** Ubelenge ifipoope ifilipamo na meepusho ku lubali lumbi ulwa ili peepala.
- 4** Ulembe amaasuko muli buukuleti wa kwasukilamo uo bakupeelee. Nga caakuti uleelemba amaasuko ukucila pali buukuleti umo, aya mabukuleti uyabiike nokuyakakila pamo.

Iciishibisho ku Baleelemba Amashindano.

- 1** Amatoni ayaleepeelwa pali cila liipusho naayalembwa pa mpela mu tushilwa ngeefi [].
- 2** Tumusange **taatwasuminishiwa** mu mashindano.

A ICIPANDE CA BUMO

UKUSOOLOLA ICIBEMBA [AMATONI 30]

- 1 Alula ii miseela iipelwe peesamba nga ifyo bakulangile.**
Nga ifi: Bwalya auma Mutale.
Ubwasuko: Mutale aumwa kuli Bwalya.
(a) Lesa abumbile umuntu. (citwa) [2]
(b) Musenge aseka Bwalya elyo Bwalya nao aseka Musenge (cibiana). [2]
(c) Bakafundisha bacuma umwana wesukulu (cibisha). [2]
- 2 Leemba bwino amashinte yamashiwi yesalilwe pakuti imiseela ilungame pamo nga ifi:**
Mulenga (-send-) amataba ukutwala ku cigayo cilabushiku.
Ubwasuko: Mulenga alasenda amataba ukutwala ku cigayo cila bushiku.
(a) Ba mayo (-sang-) nde naya ubwali ilyo bacibwela. [2]
(b) Bayaama (-send-) icoola candi pefye. [2]
(c) Bane finshi twa (-sambilil-) ulucelo? [2]
- 3 Alula imiseela ukulingana nefyo bakwipwishe mu mashiwi ayesalilwe pamo ngeefi:**
Inongo nga yapya bwino taisuuma. (ceefya)
Ubwasuko: Akalongo nga kapyo bwino takasuuma.
(a) Aka kapombo kali pabukulu. (kusha) [2]
(b) Ine ndeya ciipaya. (fusha) [2]
(c) Mwansa tasansamuka. (tikamika) [2]
- 4 Peela ishiwi limbi ilikwete ubupilibulo ubwapusana neshiwi lishililwepo muli cila museela.**
Icilangililo: Kangwa alikaata.
Ubwasuko: alifuuka
(a) Twalaya akasuba nga kaatula. [2]
(b) Apa epafuma ukulekana kwa ndimi. [2]
(c) Cile umfwika nge cibipile. [2]
- 5 Twala ii miseela mukulandilwako pamo ngeefi:**
Lombe ati ndekuukila ku Mansa kuli bamaayo-mwaice.
Ubwasuko: Lombe aatile aalinokukuukila ku Mansa kuli banyina-mwaice.
(a) Ba Mwansa abati, "Uno mwaka ndekushako ibala lyandi ilya mataba" [2]
(b) Ba maama abati, "Mwe bantu moneni ifyo shi bwinga aleibila pakucinda." [2]
(c) "Bushe bashi-Mutale baakukila kwi?" efyaiipwishe bayaama. [2]

B ICIPANDE CA BUBILI**UKUPILIBWILA ILYASHI MU ICIBEMBA [AMATONI 20]**

Pilibwila ili ilyashi mu Cibemba.

Running away from danger

My young brother on my back only cried a little and died shortly after. I noticed the blood around me was the poor child's and not my own, and that I had escaped with a slight scratch. I placed the child beneath the tree, near other victims, and fled from the hideous place. With relatives wiped out, I wondered why I still cared to live, but I ran from the field of carnage to where I do not know. I had lost my bearings and knew not which was east, west or home, but I knew that as long as I kept my back towards the sky, reddened by the flames of the burning city, I was running away from danger.

C ICIPANDE CA BUTATU:**UKUBELENGA NA UKUMFWIKISHA [AMATONI 30]**

Belenga uyu mulandu peesamba elyo wasuke ameepusho ayakonkelepo yonse.

- 1 Abantu abengi batiila muno caalo twabafye babili. Nga ciine-ciine twabafye babili mulandunshi tushikalila mu mutende? Bushe mwebali babili tekuti muleikalafye mu mutende, mukutemwana? Nomba nakalya. Pakati ka baume na banakashi paaba impika, paaba ukutintana. Nga tulefwaya mu caalo mube icibote, tufwile ukutendekela mu mayanda yesu. Mu caalo tekuti mube icibote ilyo ninshi mu mayanda muli ukupumana elyo no kucuushanya ukwamisango misango.
- 2 Ukucuushiwa ukwaseeka saana kuucuusha umuntu pa mulandufye wa cifyalilwa cakwe. Ici calola mukutula ukucuusha umuntu pa mulandufye wakuti mwaume nangu mwanakashi. Icabulanda cakuti ukucuusha umuntu pa mulandu wacifyalilwa cakwe kucitwa na kubatenwikwa bakwe. Umulume ukucuusha umukashi, inkashi ukucuusha indume, umwana mwanakashi ukucuushiwa ku bafyashi, nalume ukucuusha umwipwa. Umuntu oonse kuti acushiwa. Leelo ine mona ukuti abakashana na banamaayo balacushiwapo saana ukucila abalumendo na bashitaata. Icilenga ifi kuti natiia miicitile ya ntambi imo lipeelesha amaka ku mwaume. Ilatitikisha abakashana na banamaayo, ico icilenga ukuti abalumendo na bashitaata baleimona ukucindama ukubacila. Ici ciine ecalenga ukuti kube umuncishanya pakati ka baume na banakashi.
- 3 Pali ndakai ubuteeko bwalimya luulu wakumona ukuti banamayo bacingililwa ku kucuushiwa uko bapitamo. Ubuteeko buleecita ifi munshila ishalekana-lekana. Inshila imo buleebomfya kuusambilisha abantu pa misango iyaseeka iyo bashitaata bacuushishamo banamaayo, pantu batilla amaano maaka. Nalimo banamaayo bamo tabeshiba no kuti baleebacuusha, kabili bashitaata bamo nabo tabeshiba ukuti baleecuusha banamaayo.
- 4 Ukupumwa ekucuushiwa ukwaseka uko banamaayo bapitamo kabili abantu abengi ekucuushiwa baishiba. Bane umfweni, takwaba umuntu uwapeelwa insambu shakupuma namaayo nangufye engaba muukashi wakwe, umwana wakwe, umwaice wakwe nangufye cibusa. Ifunde lyalibinda, tecakweshu nangu kuumushinamo icimputwa. Uwacita ifi ninshi aleeta ulwine-lwine. Kabili nga bamutwala ku cilye ninshi bakaya mukanda. Na imwe nkanshi-nandi mwishibe ukuti ilyolyonse mwasangwa muli

uku kucuushiwa pantu namupeleelwa amaka, mufwile ukuyasosa umulandu ku kapokola. Bashicile nabo bakatwala uyo muntu ku bamaka banankwe.

- 5 Umusango umbi abaume bacuushishamo banamaayo kuubeeba amashiwi yakukalifya. Bashitaata bamo tabaishiba kulanda. Batemwa ukweeba banamaayo amashiwi yamusaalula, ukubafuupula, ukubashobaula elyo na mashiwi yakubaseebanya. Imicitile ya musango uyu yabiipafye cimo-cine no kupuma pantu yalafulunganya umutende wakwa namaayo. Namaayo alacuushiwa mu matontonkanyo elyo no kuleka ukuimona ukucindama. Kanshi bashitaata mwebashipuma bakashi beenu leelo mulabatukaula na ukubashobaula umo shaceela na imwe beene lumo-lwine.
- 6 Limo kuti shitaata na namaayo baleekalafye bwino. Leelo namaayo taakwatapo insambu shakupingulapo pa cuuma baakwata. Ala na ukukwine kuucuushiwa. Namaayo uwaikala mu mutende afwile ukupeelwa insambu shakupingulapo pa milandu iikumine ku cuuma. Kabili alakwata ne nsambu ishakupanga indalama nao. Tekuti umulimo wakwe ena kumfwakofye. Umwanakashi teemusha iyoo.
- 7 Ukuipatikisha pa banakashi nao musango umbi bashitaata bacuushishamo banamaayo. Ici nalosha ku micitile yonse iikumine ku kulungana nangu ukupanga icuupo iyo bashitaata bacita pali banamaayo ukwabula ukuti babasuminishe. Pali ii micitile pali ukulungana na namaayo ukubomfya ubukangalume elyo no kwikata namaayo pa mubili. Kwena abengi mwalishiba ukuti ukulungana na namaayo ukubomfya amaka muulandu uukalamba. Ico mushaishiba cakuti no kumwikata ku mabeele, ku matanta, kubwanakashi elyo nakumatako nao mulandu uukalamba uwakutwalilapo umuntu ku cifungo. Bambi mwalikwata icimusango icishaibipila icakuti nga mwamona namaayo aleipitila mwamuuma ku matako imwe muleeti bwangashi. Ilyo mukaisanga mulepima imyungu ikumi mwikapapa iyoo. Kabili mwikatiila nshaishibe pantu leelo mwaishiba.
- 8 Na pa kulekelesha ndecinkulako banamaayo banandi ukuti ilyofye mwasangwa mukucuushiwa konse uku twalandapo tecakweshu ukwikata ku caani, twaleeni umulandu ku meenshi ayaishiba ukusoobolola indao. Tamufwile no kumfwa insoni pantu tamwaba mweka iyoo. Beengi abakashana na banamaayo abapitapo mukucushiwa. Kabili mufwile ukwibukisha ukuti pakuti ici cikapwe kano twacibiika pabwelu. Tufwileefye ukwikatana nga banamaayo pantu batiila ubwingi bwa mpashi lintu shili pamo.

Cila liipusho ukufuma palyakubalilapo ukushinta pa lyalenga ikumi naalikwata amaasuko yane, (A), (B) (C) na (D). Iwe usalepofye ubwasuko ubulungeeme elyo ulembe neecilembo iciyeene nobwasuko wasala pali cila liipusho (A), (B), (C) nangu (D) eepela.

- 1 Cintunshi icikalamba ili lyashi lililandapo? Ukucuushiwa ... [2]
 - A kwa baume.
 - B kwa banakashi.
 - C mu lupwa.
 - D kwa bantu babili.

- 2 Mu cipande ca bumo, kuti twatiila kalemba nasunguka pa mulandu wakuti ... [2]
A abantu abengi batiila mu caalo tamwaba icibote.
B abantu abaabafye babili tabekala mu mutende.
C mu caalo mwaliba umutende uutampila mu mayanda.
D ukucuushanya kwaba imisango iingi.
- 3 Amashiwi yakuti banamaayo balacuushiwa saana ukucila abaume, ayali mu cipande ca bubili yaleimininako ... [2]
A amatontonkanyo ya muntu.
B amatontonkanyo ya baume.
C amatontonkanyo yakwa kalemba.
D amashiwi yalandile ubuteeko.
- 4 Mu cipande ca bubili cimo-ciine batweba ukuti icabipisha saana pakucuushiwa pa mulandu wa cifyalilwa cakuti ... [2]
A abantu bacuushiwa na kubatemwikwa baabo.
B abacuushiwa tabatwala umulandu ku kapokola.
C bashitaata ebacuusha banamaayo.
D banamaayo ebacuusha bashitaata.
- 5 Mu cipande calenga bune muli amashiwi: 'uwacita ifi ninshi aleeta ulwine-lwine'. Ishiwi ilishililwepo lileelasha kuli finshi? [2]
A Ku kupuma namaayo
B Ku kushinamo namaayo
C Kukutwala umuntu ku cilye
D Ku kutwala umulandu kukapokola
- 6 Mu cipande calenga busaano, muulandunshi kalemba alandilla ukuti bashitaata abatukaula abakashi baabo baabafye cimo-ciine nabalya abapumaula abakashi? [2]
A Pantu bashitaata abatuka abakashi tabakwatafye maka yakubooma.
B Nico bonse babili tabatemwa abeena-mwabo.
C Pantu ukucuushanya mu mayanda takwakapwe.
D Pantu fyonse filafulunganya umutende wakwa na maayo.
- 7 Mu cipande calenga mutanda, muli aya mashiwi: 'Tekuti umulimo wakwe ena kumfwakofye'. Ishiwi ilishililwepo lilesosa kuli ... [2]
A namaayo onsefye.
B shitaata uwaba mu cuupo.
C namaayo uwaba mu cuupo.
D namaayo uo baleepuma.
- 8 Mu cipande calenga 7 kuti twatiila kalemba aleemona ukuti abantu abengi tabaishiba ukuti muulandu ... [2]
A ukulungana na namaayo ukubomfya amaka.
B namaayo ukupanga icuupo na shitaata.
C ukwikata namaayo pa mubili nga taleefwaya.

- D** ukucuusha abatemwikwa baabo.
- 9 Ifunde ilikankaala ilili mu cipande calenga cine konse-konse lyakuti ... [2]
- A** abakashana na banamaayo abengi balapita mu kucuushiwa.
B amenshiyalishiba ukusoobolola indao.
C banamaayo balikwata insoni.
D namaayo uwacuushiwa alingile ukutwala umulandu ku cilye.
- 10 Bushe miisango inga iyakucuushiwa iyo banamaayo bapitamo iilumbwilwe muli ililyashi? [2]
- A** Ibili
B Ine
C Itatu
D Isaano

Ale nomba asuka ameepusho nayambi aya yakonkelepo. Aya yena wasuke mu miseela iyapwililika.

- 11 Mu cipande ca bune, mashiwi nshi ayaletulanga ukuti kalemba wamulandu mwanakashi? [2]
- 12 Bushe abantu abasangwa mu kucuushiwa pa mulandu wacifyalilwa mulandunshi bapanga? [2]
- 13 Bushe kalemba wa ili lyashi, alemona ukuti cinshi calenga mu caalo mukaane ukuba icibote? [2]
- 14 Ni munshilanshi icimusango cakucuusha banamaayo cingabikilwamo pa bwelu? [2]
- 15 Bushe ipinda lyakuti ubwingi bwa mpashi liintu shili pamo lilefunda finshi muli ililyashi? [2]

D ICIPANDE CA BUNE

UKUSUPAWILA UMULANDU [AMATONI 20]

Belenga uyu mulandu elyo wasuke iliipusho ilikonkelepo mukusupawila.

Kwali umulumendo uweshina Iya Senkete uwakwete umukashi Mwenya na umwana Mandalena. Pamushi baikete ubushiku bumo bapokeleele abeeni abo alalike mujanda mumwakwe. Ilyo abeni baile, mujanda baleele bashilemo inkufu; utushiishi twisa pamulandu wa fiko. Utu tushiishi, twasumine umwaana Mandalena, alwaala mpaka nokufwa. Panuma, ba ndokotala bapingwile ukooca injanda yakwa Senkete pakucingilila utushiishi ukusalangana kubantu bambi.

Panuma yakumoceela injanda, Senkete no mukashi batolele ubulendo nokukuuka ukuya ikala ku Masatunya. Kuli Ilya ncende asangile incito elyo alelelekesha na pebuumba Iyamupila. Bushiku bumo bapokeleele umulumendo weshina Iya Tsotsi uwaishile nebuumba Iya bamupila ukufuma ku South. Mukwikala cilumendo ulya atendeka ukuulungana namuka Senkete. Bushiku bumo Senkete alebwela kuncito asangile fye umukashi nabaya na Tsotsi kwishilya ku South.

Mukwikala, bushiku bumo umubomfi wakwe amunaila icibwali icikulu afulwa ukulya eka. Aya pamusebo asenda kapokola uwalepita ukuti beese balye nankwe ubwali. Nao kapokola panuma yakulya amucinjisha amaano amwikata ati inciinga yakwe tayasonkele.

Ubushiku bumbi asangile umuntu uwafwa lilya ayaeba balupwa, bakapokola baisa mwikata ukuti ewipeye umuntu uweshina Iya Tongoloshi Kateya.

Umuya inshiku, Senkete aingile incito yakwensha taxi kumusungu. Bushiku bumo asangile umukote shikulubantu uwapuswike kunkalamo. Ilyo bafikile uko baleeya, shikulubantu alikeene ukulipila Senkete nokuyamusoselela ku musungu ati nikabolaala aleeba. Senkete balimutamfishe incito.

Limbi Senkete aikele bukambone bwamuntu uwali na umulandu pakutifye amwafwe afume mumulandu. Apa napo, uyu umulandu walimukoseele bafwaya na ukumukaka, ailebwelela kucilye camilandu.

Pakulekelesha umusungu asendele Senkete ku South mukubomba incito. Uko eko aile kumanya umunankwe Mwenso untu bafumine nankwe kumushi kumo kwine. Uyu Mwenso ewaebele Senkete ukuti alikumenye uwali umukashi wakwe mulyamwine mu South.

Bakumene na Mwenya mpaka nokulanshanya. Senkete inshita yakubwelela ku Masatunya yapalama. Ubushiku bwine ubo alipabuleendo, amona namayo pantanshi yakwe aiposa mucimufoolo cafimensch ifyalaamba mumbali yamusebo. Senkete abutukiileko nokuya ponenamo mukwabula ulyamuntu. Panuma yakumwabula, casangilwe ukutila ni Mwenya uwali umukashi wakwe ewalefwaya ukuipaya.

Ukutula apo Senkete aingiliilwe nempepo elyo mwaingila na utulaso bamuteeka mucipataala mpaka afwa. Efiya batiila 'Uluse Iwalile Nkwale'. Senkete uluse lwakwe lwasukile lwamufisha kumaaanda.

(Ukufuma mu citabo 'Uluse Iwalile Nkwale' icalembwa na Ba Chipungu I.H)

Londolola mukusupawila ifyo uluse lwalebomfya Senkete lwalemuleteeleela.

Ubulondoloshi boobe bwicila pamashiwi umwanda umo namakumi yabili (amashiwi 120)

Amashindano Yapwa

BLANK PAGE

11